

Ilinniagaqarnersiutit pillugit Namminersorlutik Oqartussat nalunaarutaat

Ilinniagaqarnersiutit pillugit Inatsisartut inatsisaat nr. 12, 22. november 2011-imeeersumi § 2, imm. 5, § 5, § 14, imm. 4, § 28, imm. 2, § 34, imm. 5 aamma § 35, imm. 2 aamma kalaallit ilinniagaqartut kattuffiannut tusarniaareernikkut aalajangerneqarpoq.

Kapitali 1

Nassuaatit

§ 1. Ilinniagaqarnissamut piareersarluni ilinniarnerit tassaapput:

- 1) Ilinniagaqarnissamut piareersarluni ilinniarnerit meeqqat atuarfianni inaarutaasumik misilitsinnermit qaffasinnerusumik inisisimasut.
- 2) Ilinniarneretuunngorniarnerit, ilinnianertuunngorniarfinni ilassutitut ilinniarnerit aamma piareersarluni pikkorissarnerit.

§ 2. Inuussutissarsiutinut tunngaviusumik ilinniarneq tassaavoq nikerarfiusumik ilinniarneq, tassani sungiusaammik sulineq ilinniarfimmiinnerlu paarlakaajaatsinnejartarlutik. Inuussutissarsiutinut tunngaviusumik ilinniarnerup imaraa tunngaviusumik ilinniartitsissutit, immikkoortumut sammisamut ilinniartitsissutit, immikkut sammisassatut ilinniartitsissutit kiisalu ilinniartitsissutit nammineq toqqaqneqarsinnaasut, piumasaqataallunilu lærlingisut isumaqatigiissusorsimanissaq imaluunniit ilinniarnissamut isumaqatigiissuteqarsimanissaq, tamatumani qinnuteqartoq ilinniarfimmi sungiusaammik sulisussatut tiguneqarsimappat, takuuq inuussutissarsiutinut ilinniartitsinerit aamma inuussutissarsiutinut ilinniartitsinerup iluani pikkorissarnerit pillugit Inatsisartut inatsisaat.

Imm. 2. Inuussutissarsiutinut ilinniarnerit allat tassaapput ilinniarnerit inuussutissarsiutinut ilinniarfimmi atuagarsornikkut ilinniagaqarfiuserut. Ilinniarnerni taakkunani suliffimmi sivikinnerusumik sivisussuseqartunik sungiusaammik sulinerit ilanngunneqarsinnaapput, takuuq inuussutissarsiutinut ilinniartitsinerit aamma inuussutissarsiutinut ilinniartitsinerup iluani pikkorissarnerit pillugit Inatsisartut inatsisaat.

Imm. 3. Nikerartumik ilinniarnerit, ilinniarneretuunngorsimanermik assigisaanilluunniit piumasaqateqartut inuussutissarsiutinut tunngaviusumik ilinniarnerunngillat.

§ 3. Ingerlaqiqffiusumik ilinniarneq tassaavoq ilinniarneq ilinniarneretuunngorniarfimmi ilinniarnermi angusisimanissamik piumasaqateqarfiusoq, tassunga ilanngullugit ilinniarneretuunngorniarfinni ilinniarnerit immikkut aaqqissuunneqartut imaluunniit inuussutissarsiutinut ilinniarneq.

§ 4. Timersornermut immikkut piginnaanillit timersortartutullu piukkunnassuseqartut tassaapput ilinniagaqartut Elite Sport Greenlandimit aammalu timersuutinut kattuffinnit innersuussutaareerlutik Ilinniartitaanermut Naalakkersuisoqarfimmit timersornermut immikkut piginnaanilittut timersortartutullu piukkunnassuseqartutut ilinniagaqartussatut akuerineqartut. Kalaallit Nunaanni

Timersoqatigiit Kattuffiata timersuutit namminneq timersuutiminnut kattuffeqanngitsut sinniisuufigisinnaavai.

§ 5. Ilitsersuisoq tassaavoq Kalaallit Nunaanni ilinniarfimmi ilinniagaqarnermut ilitsersuisartoq, ilinniarfimmi ilinniartitsisoq imaluunniit ilinniarfimmi ilitsersuinermik suliaqartut allat, imaluunniit Danmarkimi Kalaallit Illuutaasa ilaanni ilinniagaqarnermut ilitsersuisartoq. Aammattaaq ilinniagaqarnersiuteqarnermut Naalakkersuisoqarfik ilitsersuisartuusinnaavoq.

§ 6. Katissimasutut assingusumik inooqatigiinneq sivikinnerpaamik ukiumik ataatsimik sivisussuseqartoq najugaqarnermut upternarsaatikkut upternarsarneqartoq katissimanermut naligiissinneqassaaq.

§ 7. Ilaqutariit qaniginerpaasat tassaapput nammineq qitornarisat, katissimallugu aapparisaq, angajoqqaat, qatanngutit aamma aataakkut aanaakkulluunniit.

Kapitali 2

Ataatsimut aalajangersakkat

Piumasaqaatit immikkut ittut

§ 8. Ilinniagaqarnersiuteqarnermut Naalakkersuisoqarfik tamassuminnga qinnuteqartoqareerneratigut danskisut innuttaassuseqarnissamik piumasaqaammit immikkut akuersisinnaavoq, takuuk ilinniagaqarnersiutit pillugit Inatsisartut inatsisaat, ilinniagaqarniartoq ilaqtariinnikkut Kalaallit Nunaannut immikkut attaveqarpal, assersuutigalugu katissimaneq aqqutigalugu imaluunniit ilinniagaqarniartoq Kalaallit Nunaanni angajoqqaqarpal.

§ 9. Ilinniagaqartup inuussutissarsiutinut tunngaviusumik ilinniarfimmi ilinniartunngortinnejnarnermut atatillugu atuarfimmi sungiusaammik suliffissamik, akissarsiaqarfiusumik ilinniarfissamik imaluunniit tunngaviusumik ilinniareernerup kingorna akissarsiaqarfiusumik ilinniarfissamik allakkatigut neriorsorneqarsimanermik pissarsisimanissamik piumasaqaammit Ilinniagaqarnersiuteqarnermut Naalakkersuisoqarfik immikkut akuersisinnaavoq, ilinniagaqartoq timersornermut immikkut piginnaanilinnut timersortartutullu piukkunnassuseqartunut ilaappat, takukkit § 4 aamma § 11, imm. 3, oqaaseqatigiit aappaat.

§ 10. Ilinniagaqartut ilinniagaqarnermik unitsitsigallartut, tassunga ilangullugit erninermut atatillugu ilinniarnermik unitsitsigallartut, ilinniagaqarnersiuteqarsinnaanngillat.

Imm. 2. Ilinniagaqartut qiortartakkamik imaluunniit aningasanik ilinniarnermi tunniunneqartartunik atuiunnaarallartut, piffissami atuiunnaarfiusumi tapiissutinik kapitalini 6 aamma 7-imik allassimasunik pissarsisinnaanngillat. Ilinniagaqarnersiuteqartunut qiortartakkanik imaluunniit aningasanik ilinniarnermi tunniunneqartartunik nunguutsimasunut tamanna aamma atuuppoq.

Imm.3. Ilinniagaqartunut Naalagaaffiup ilinniagaqarnersiuteqartitsineranit aningasanik ilinniarnermi tunniunneqartartunik pisartagaqartunut, kapitali 6-imik immikkut tapiissutinik taaneqartunit tapiissuteqartitsisoqarsinnaavoq, taamaattoq § 51 naapertorlugu, ilinniagaqarnersiuteqarsinnaanermut piumasaqaatinik naammassinnissimasunut, nalunaarut una naapertorlugu aammalu ilinniagaqarnersiutit pillugit Inatsisartut inatsisaat naapertorlugu.

Ilinniagaqarnermik ingerlatsineq

§ 11. Ilinniagaqarnermik ingerlatsineq imatut paasineqassaaq ilinniartup ilinniagaqarnerup ingerlanissaanut malittarisassat naapertorlugin ilinniarnermik aammalu misilitsinnernut soraarummeernernullu piumasarineqartunik malinninera, suliassiissutinik tunniussisussaanera, takkuttussaatitaanermik piumasaqaammik malinninera il.il, imaluunniit misilitsinnerni

soraarummeernernilu peqataannginnissamik nalunaarneq takkutinngitsoornerluunniit ilinniarfimmit akuerineqarpat. Ilinniagaqartoq uppernarsarneqartumik piffissami sivisuumi annertuumik naapparsimasoq, ilinniagaqartutut isigineqartarpooq ilinniagaqartoq misilitsinnissamut soraarummeernissamullu nalunaarutigineqarpat.

Imm. 2. Ilinniagaqarnermi ilinniarfimmut pinngitsoorani takkuttariaqarfiumngitsumi ilinniar-nermi ilinniartoq qaammatit aqqaneq marluk sinnerlugit kinguaattoorsimanngippat ilinniagaqartutut isigineqassaaq. Aningaasat ilinniarnermi tunniunneqartartut imaluunniit qiortartakkat ilinniagaqarnermut atatillugu tunniunneqarsimasut akornanni assigiinngissutaasoq kinguaattoorneruvoq, taamatullu ilinniagaqarnermut maleruagassat atuuttut najoqqutaralugit ilinniagaqarnermi siuariartorneq qaammatinut uittorneqartarluni, taamaattorli takuu § 58, imm. 3, oqaaseqatigiit aappaat. Ilinniagaqartup ilinniarnini qaammatini aalajangersimasuni amerlassusilinni aningaasat ilinniarnermi tunniunneqartartunik pisarnissamut qiortartakkanillu pissarsisinnaatitaalluni sivitsorsimappagu aningaasat ilinniarnermi tunniunneqarsimasut imaluunniit qiortartakkat atorneqarsimasut aningaasat ilinniarnermi tunniunneqarsimasunik imaluunniit qiortartakkanik atugaasimasunik naatsorsuinermut ilanngunneqassangillat.

Imm. 3. Imm. 1-2-mi aalajangersakkat timersornermut immikkut piginnaanilinnut timersor- tartutullu piukkunnassuseqartunut atuutningillat. Ilinniagaqartoq timersornermut immikkut piginnaanilinnut timersortartutullu piukkunnassuseqartunut piumasaqaatinik aalajangersakkaniq naammassisnissinnaajunnaarpat Elite Sport Greenlandip ingerlaannaq Ilinniagaqarnersiuteqarnermut Naalakkersuisoqarfik nalunaarfigissavaa.

Imm. 4. § 20 malillugu ilinniagaqartoq kandidatinngorniarnermi suli qiugassaqarpat, imm. 2, oqaaseqatigiit siullianni qaammatit aqqaneq marluk pillugit aalajangersakkamit Ilinniagaqarnersiuteqarnermut Naalakkersuisoqarfik taassuminnga qinnuteqartoqareerneratigut immikkut akuersisinnaavoq, ilinniagaqartullu ilinniarnermik ingerlatsinera ilinniariup uppernarsassavaa.

§ 12. Ilinniagaqartup ilinniarnerminik ingerlatsinera ilinniariup aamma Kalaallit Illuutaasa ingerlaavartumik nakkutigalugulu ilinniagaqartup ingerlatsinera pillugu aaljangiisarput.

Kapitali 3

Ilinniagaqarnersiutit suuneri annertussusaallu

Suuneri annertussusaallu

§ 13. Ukununnga aningaasanik ilinniarnermi tunniussisoqartarpooq:

- 1) Ilinniagaqarnissamut piareersaataasumik Kalaallit Nunaanni ilinniagaqartunut 18-it inorlugit ukiulinnut.
- 2) Ilinniagaqarnissamut piareersaataasumik Kalaallit Nunaanni ilinniagaqartunut 18-ileereersimasunut.
- 3) Kalaallit Nunaanni inuussutissarsiutinut tunngaviusumik ilinniagaqartunut sulisitsisumit aningaasarsiaqartinnejqannngitsunut.
- 4) Kalaallit Nunaanni ingerlaqqiffiusumik ilinniagaqartunut, taamaattoq takuu § 59.
- 5) Kalaallit Nunaata Danmarkillu avataanni ilinniarfinni ilinniagaqartunut.
- 6) Danmarkimi ilinniarfinni 20-it inorlugit ukiulinnut ilinniarnertuunngorniarfinni aamma inuussutissarsiutinut ilinniartitaanerni ilinniagaqartunut.
- 7) Danmarkimi ilinniarnertuunngorniarfinni ilassutitut ilinniarnernei § 16 naapertorlugu ilinniagaqartunut.
- 8) Piareersarfinni ilinniagaqartunut.

Imm. 2. Ilinniagaqartunut ilinniarnerminnut atatillugu akeqanngitsumik nerisaqartitaallutillu

najugaqartitaasunut aningasat ilinniarnermi tunniunneqartartuniit akiliutitut nerisaqarnermut najugaqarnermullu ilangaaanneqartassapput, ilinniagaqartoq kollegiani najugaqanngippat 18-inillu inorlugit ukioqanngippat.

Imm. 3. Kalaallit Nunaanni ilinniagaqarnissamut piareersaataasumik ilinniagaqartut 18-it inorlugit ukiullit illoqarfisap avataani kollegiani najugaqartut nerisaqarnissamulli periarfissaqanngitsut ullormulluunniit ataasiaannarlutik nerisaqartinneqarsinnaasut nerisassanut tapiiffigineqartarpuit.

Imm. 4. Ilinniagaqartoq imm. 1-impi pineqartut arlaanni allatut inissismalerpat aningasat ilinniarnermi tunniunneqartartut annertussusiat allanngortinneqassaaq piffissamit qinnuteqarfiusumiit, taamaattorli ulloq inissismaffiup allanngorfia siusinnerpaamik aallarnerfigalugu.

Imm. 5. Ilinniagaqarnersiuteqarnermut Naalakkersuisoqarfip ilinniagaqarnersiutit aningasat ilinniarnermi tunniunneqartartut Namminersorlutik Oqartussaniit ilinniagaqarnersiuteqartumut Kalaallit Nunaata aamma Danmark-ip avataani ilinniagaqartumut qaammatikkaartumik tunniunneqartartut qaffaavigisinnaavai, qaffaanissaq imaattunik tunngaveqarpat:

- 1) Nunani allani pisortanit piumasarineqarpat,
- 2) Ilinniagaqarfiusumit piumasarineqarpat,
- 3) Illoqarfimmi ilinniagaqarfiusumi inuuniarnermut aningasartuutit immikkut qaffassisuseqarpata,
- 4) Aningasat ilinniarnermi tunniunneqartartut nuunneqartarnerannut immikkut aningasartuuteqarpat.

Meeqjanut tapit

§ 14. Ilinniagaqartoq meeqqanut 18-it inorlugit ukiulinnut pilersuisussaatitaappat imaluunniit akilersuisussaatitaappat meeqqanut ataasiakkaanut tamanut tapiissuteqartoqassaaq (meeqqanut tapit), ilinniagaqartoq Kalaallit Nunaanni Namminersorlutik Oqartussanit aningasanik ilinniarnermi tunniunneqartartunik pisartagaqarpat, taamaattoq § 60 naapertorlugu, imaluunniit ilinniagaqarnermini akissarsiaqarpat inuussutissarsiutinut ilinniartitaanermik ingerlataqarnini pissutigalugu, sulisitsisualu tamatumunnga atatillugu ilinniagaqarnersiutinik pisartagaqarpat, akissarsiaritinneqartunut tapiissutisiatut, lærlingimik inuussutissarsiutinut tunngaviusumik ilinniartitaanernut, pikkorissartitsarernnullu Inatsisartut inatsisaat naapertorlugu imaluunniit lærlinginut, Kalaallit Nunaanni sungiusaammik suliffeqartartunut Danmark-imilu atuarnerminnik ingerlatsisartunut tunngatillugu. Meeraq Kalaallit Nunaanni najugaqarpat Kalaallit Nunaanni akilersuutip nalinginnaasup assinganik tapiissuteqartoqassaaq. Meeraq Danmarkimi najugaqarpat Danmarkimi akilersuutip nalinginnaasup assinganik tapiissuteqartoqassaaq. Meeraq Kalaallit Nunaanni imaluunniit Danmarkimi najugaqanngippat Kalaallit Nunaanni akilersuutip nalinginnaasup assinganik tapiissuteqartoqassaaq.

Imm. 2. Ilinniagaqartup meeraq najugaqtiginnngippagu meeqqanut tapeq pilersuisuusumut akilerneqartassaaq.

Imm. 3. Ilinniagaqartup meerai pisortanit tamakkiisumik pilersorneqarpata ilinniartumut meeqqanut tapiissuteqartoqassanngilaq.

Imm. 4. Ilinniagaqartup piffissani qiortartakkanik atugaqannginnissamik aalajangiiffisaani ilinniagaqartumut meeqqanut tapermik tapiissuteqartitsisoqassanngilaq, takuuk § 56.

Ilinniagaqarnermut akiliutit

§ 15. Ilinniakkani ilinniagaqarnersiuteqarfiusinnaasutut akuerisaasumi ilinniarnermi akiliutit tamakkiisumik matussuserneqassapput, taamaattorli takukkit imm. 2 aamma 3:

- 1) ilinniagaq assingusoq ilinniarnermi akiliutinik akiliuteqarnani malittarineqarsinnaanngippat, aamma

2) aningaasartuutit pisortat oqartussaasuinit allanit akilerneqarsinnaannngippata.

Imm. 2. Ilanniagaqarnersiuteqarnermut Naalakkersuisoqarfik ilinniakkani aalajangersimasuni ilinniartitaanermut akiliutissat pissutsit immikkut illuinnartut atuutsillugit ilaannakortumik matussuserneqarnissaannik aalajangiussaqarsinnaavoq, tassungalu ilanngullugu:

1) ilinniakkamut pineqartumut Kalaallit Nunaat ilinniagaqarsimasunik pisariaqartitsippat,

2) allanit aningaasaleeqataanissaq pillugu isumaqatigiissuteqartoqarpat, imaluunniit

3) ilinniakkamut assigisaanut ilinniagaqarnersiuteqarfiusinnaasutut akuerisaasumi ilinniartoq tiguneqarsinnaannngippat.

Imm. 3. Ilanniagaqartoq suli qiegassaqarpat ingerlaqqiffiusumik ilinniarnermi ilinniarnermut akiliutit taamaallaat matussuserneqarsinnaapput.

Imm. 4. Kalaallit Nunaata avataani ilinniagaqarnermi ilinniarnermut akiliutinut annerpaamik kr. 60.000-inik tapiisoqarsinnaavoq. Ilanniagaqartunut ilinniagaqarnerup ingerlanerani immikkut qaffasissuseqartumik piginnaaneqarnermik takutitsisimasunut, tassunga ilanngullugit angusat - karakterit - aammalu piffissaq angusaqarnermut atorneqartoq eqqarsaatigalugit amerlassusilerneqareersup iluanni imm. 1-imi pineqareersut saniatigut aningaasartuutinut matussutissiisoqarsinnaavoq, nunarsuarmiut ilinniariini pitsaasumik tusaamasaasunut tiguneqarnermut atatillugu. Ilanniagaqarnersiuteqarnermut Naalakkersuisoqarfik tulleriaarisarnermut piumasaqaatinik pisariaqarpallu immikkut atugassarititaasunik aalajangersaasiinnaavoq, "www.sunngu.gl"-imi tamanut takusassiarineqartussanik.

Imm. 5. Ilinniakkanut sorlernut ilinniartitaanermut akiliutit taamaallaat ilaannakortumik matussuserneqartarneri ilinniakkanilu ataasiakkaani ilinniarnermut akiliutit matussuserneqartut qanoq annertutigineri pillugit "www.sunngu.gl"-imi tamanut saqqummiussisoqartarpooq.

Kapitali 4

Ilinniakkat assigiinngitsut

Ilinniagaqarnissamut piareersarluni ilinniarnerit

§ 16. Ingerlaqqiffiusumik ilinniagaqalernissamut ilinniarneruntuungorniarfimmi ilinniartitsissutit ataasiakkaat qaffasinnerunissaat pisariaqarpat, ilinniarneruntuungorniarfimmi ilassutaasumik ilinniarnerit tapiiffigineqarsinnaapput, ilinniartitsissutit ataasiakkaat ilinniartitsissutiginerisa malinnaaviginissaannik ilinniarnermut ilitsersuisumit ilinniagaqartoq ilitsorsorneqarsimappat.

Imm. 2. Ilinniarneruntuungorniarfimmi ilassutaasumik ilinniarnerit tapiiffigineqarsinnaannngillat, ilinniagaqartoq ilinniartitsissutini soraarummeernermermi 7-skala malillugu 02-mik qaangerluguluunniit karaktereqarpat, ilinniagassatut kissaatigisami ilinniartunngortinneqarnissamut qaffasinnerusumik karaktereqarnissaq qaffasissuserluunniit qaffasinnerusoq piumasaqaataannngippat.

Imm. 3. Taamaallaat ilinniartitsissummut ataatsimut ataasiaannarluni ilinniagaqarnersiuteqartitsisoqarsinnaavoq.

Inuutissarsiutinut tunngaviusumik ilinniarnerit

§ 17. Inuussutissarsiutinut tunngaviusumik ilinniartitaanernut naammassianut taamaallaat amerlanerpaamik marlunnut, suliamik ilinniagaqarsimasutut qaffasissuseqartunut ilinniagaqarnersiuteqartitsisoqarsinnaavoq. Taamaakkaluartorli ilinniarnermut saniatigut ataatsimut, suliamik ilinniagaqarsimasutut qaffasissuseqartumut qaffasinnerusumulluunniit aamma

ilinniagaqarnersiuteqartitsisoqarsinnaavoq, tamatumani uku naammassineqarsinnaatillugit:

1) Ilinniarnermut pineqartumut ilinniartungortinneqarsinnaanissamut piumasaqaatigineqarpat suliamik ilinniagaqarsimasutut qaffasitsigumik ilinniagaqarsimasooreernissaq.

2) Ilinniartitaaneq siusinnerusukkut ilinniagarisimasamut pissusissaatut nangitsineruppat, imaluunniit

3) Ilinniagaqqinissaq pisariaqarsimappat inuussutissarsiutigerikkami sulisinnaannginneq pissutigalugu allamik ilinniartariaqarnermik.

Imm. 2. Ilinniagaqartoq suliamik ilinniarsimasutut qaffasissuseqartumik imaluunniit qaangerlugu ilinniagaqarsimasoq ilinniakkamut suliamik ilinniarsimasutut qaffasissutsip ataaniittumut ilinniagaqarnersiutinik pissarsisinnaanngilaq.

Imm. 3. Ilinniagaqarnersiuteqarnermut Naalakkersuisoqarfik imm. 1-imut aamma 2-mut pissutsit immikkut ittut apeqqutaatillugit immikkut akuersissuteqarsinnaavoq, tassunga ilanngullugit:

1) Ilinniagaqartup suliffeqarnissamut periarfissai killeqarpata, imaluunniit

2) ilinniakkamik qinnuteqarfiusumik ilinniarsimasunik Kalaallit Nunaat immikkut ittumik pisariaqartitsippat.

§ 18. Ilinniagaqarnersiuteqartitsisoqarsinnaanngilaq ukiut kingullit tallimat ingerlanerini Danmarkimi inuussutissarsiutinut tunngaviusumik ilinniartitaanermik ataaseq sinnerlugu unit-sitsisimasumut.

Imm. 2. Imm. 1 malillugu unitsitsinermut naatsorsuunneqanngillat sungiusaammik sulinissamut pissarsisimannginnej, ilinniagaqanngiffeqarneq, tassunga ilanngullugit naartunermi ernereernermilu ilinnianngiffeqarallarneq uppermarsaateqarlunilu napparsimalluni peqannginnej pissutigalugit ilinniartitaanermik unitsitsigallarnerit.

Imm. 3. Immikkut ittunik pissutissaqartillugu Ilinniagaqarnersiuteqarnermut Naalakkersuisoq imm. 1-ip atortinneqannginnissaanik immikkut akuersissuteqarsinnaavoq, tamatumani

1) ilinniartup suliffeqarnissamut periarfissai killeqarpata, imaluunniit

2) Kalaallit Nunaat ilinniarniakkamut qinnuteqarfiusumut ilinniarsimasunik immikkut ittumik pisariaqartitsippat, imaluunniit

3) unitsitsineq piffissap misiliinerup nalaani pippat.

Ingerlaqqiffiusumik ilinniarnerit

§ 19. Qiortartakkap iluani qiortartakkanik katillugit 82-inik (killissarititaq) tunisoqarsinnaavoq, taamaattorli takukkit §§ 22-25.

Imm. 2. Ilinniagaqarnermut qiortartakkamik aaqqissuussinermut ilaasumut annerpaamik killissarititap aammalu qiortakkat atoreersimasat assigiinngissusaata amerlaqataanik qiugassanik tunniussisoqarsinnaavoq.

Imm. 3. Qiorsinerup ataatsip annertussuseraa qaammammut ataatsimut aningaasat ilinniarnermi tunniunneqartartut meeqlanullu tapiutaasinnaasut, takuuk § 28.

Imm. 4. Ilinniagaqartumut ingerlaqqiffiusumik ilinniarnermik atuagarsornermik aningaasarsiaqarfigisamillu ilinniarnermut atatillugu suliffimmiinnermi sinnerseraffiusumik naammassisqaqsimasumut, ilinniarnermi atuagarsornermut atugassat sinnerlugin qigarasisimasinnaasanik ilallugit ilinniagaqarfigisassatut atugassat assinginik qiugassanik killissarititamini ilanngaavagineqassaaq. Ilinniagaqartoq ilinniarnermi atuagarsornertut atugassarisap assinganut qiugassanik ikinnerusunik atugaqarsimaguni killissarititamini qiugassanik ilinniagaqarfigisassatut atugassat assinginik atorneqanngitsunik ilanngaavagineqassaaq. Ilinniarnermi taama ittuni unitsitsinermi taamaallaat qiugassanik tunniunneqareersimasunik killissarititaq ilanngaavagineqassaaq.

§ 20. Ilanniartitaanernut ataasiakkaanut piffissamut ilinniagaqarfiusussamut qaammatinut naatsorsorlugit qiegassanik tunisisoqassaaq, qiegassat 12-it tapiliutigineqarlutik (ilinniagaqarnersiuteqarsinnaanermi piffissaq), taamaattorli takukkit § 22, imm. 5 aamma §§ 23-25.

Imm. 2. Ilinniagaq ilinniagaqarnersiuteqarsinnaanermi piffissamut atatillugu bachelorinngornissamut aamma kandidatinngornissamut immikkoortoqarpal ilinniarnerlert marluusutut naatsorsuutigineqartarpooq. Ilinniarneq bachelorinngornissamut aamma kandidatinngornissamut immikkoortoqarpal immikkoortunut tamanut qiegassat 12-it tapiliutigineqassapput, tamakkisumill killissarititap assigisaanik qiegassanik tunisisoqarsinnaavoq, taamaattoq § 22, imm. 1, oqaaseqatigiit siulliit naapertorlugit.

Imm. 3. Ingerlaqqiffiusumik ilinniarnerlert atugarsornermik aningaasarsiaqarfisamillu ilinniarnermik paarlakaaffiusunut atatillugu ilinniartitaanermut ilinniarnerup atugarsorfiunissaanut assingusumik, qaammatinut naatsorsukkamik, qiegassanik 12-it tikillugit tapiliutigineqartumik piffissaq tapiiffigineqarneq annertussuseqarpooq.

Imm. 4. Siusinnerusukkut ilinniagarisimasamit ingerlaqqilluni kingusinnerusukkut aallartinneqartumut naleqqiullugu ilinniakkami piginnaanernik pissarsiaqartoqarsimappat, ilinniakkami aallartinneqartumi tapiissuteqarnermik piffissami ilinniakkami pineqartumi piginnaaneqassutsit pissarsiarineqarfini qaammatit amerlaqataannik qiortagassanik ilanngaasoqassaaq.

§ 21. Ilinniarnerlert ataasiakkaanut atatillugu atuanngiffeqarnermik akiliunneqarluni angalasoqarsinnaavoq, angalanissamut atasumik akiliunneqarluni angalasinnaanissamut piumasqaatit naammassineqarsimappata, §§ 38-40 naapertorlugit.

Imm. 2. Atuanngiffeqarnermik akiliunneqarluni angalasoqarsinnaavoq, takuuq § 38, aatsaat ilinniagaqartoq:

- 1) piffissap qinnuteqarfisap nalaani qiortartakkanik pissarsisarpat, aamma
- 2) ukiumi ilinniagaqarnersiuteqarfimmi 1. april killigalugu minnerpaamik killissarititamini qiegassanik ikinnerpaamik arfineq marlunnik sinneqarpal.

Imm. 3. Juullimut ilinniagaqanngiffeqarnerlert atatillugu, § 40 naapertorlugu, akiliunneqarluni aatsaat angalasoqarsinnaavoq ilinniagaqartoq:

- 1) piffissami qinnuteqarfisap nalaani qiortartagassanik pissarsisarpat, aamma
- 2) ukiumi tapiiffigineqarfimmi 1. november killigalugu qiegassanik minnerpaamik arfineq-marlunnik sinneqarpal.

§ 22. Piffissap ilinniagaqarfiusussap, takuuq § 19, imm. 1, tassunga ilanngullugit bacheloritut kandidatitullu ilinniarerit imaluunniit ilinniarerit assingusut, katillugit qaammatit 60-it sinnerpagit killissarititaq naapertuuttumik sivitsorneqarsinnaavoq. Ilinniakkamik taamatut ittumik ilinniartoq unitsitsippat killissarisap sivitsorneqarnissaa atorunnaarsinnejassaaq.

Imm. 2. Ilinniagaqartup qiegassanik aalajangersimasunik ilinniagaqarnersiuteqarnini sivitsorsimappagu, takuuq § 19 imm. 1, taassuma assinganik qiortartakkamut killissarititaq sivitsorneqassaaq. Ilinniagaqartoq ilinniarnermik ilinniagaqarnersiuteqarfisamik sivitsuvigisamik unitsitsiguni killissarititami sivitsuinermi atunngisat assigisaannik qiortartakkat ilanngaatigineqassapput. Ilinniagaqartoq ilinniagarereersimasat ilanngunneqarnerisa nassatarisaannik piffissaq ilinniagaqarnersiuteqarfik sivikillineqarsimappat, takuuq § 20 imm. 4, killissarititaasumik sivikillisaasoqassanngilaq, takuuq § 19, imm. 1.

Imm. 3. Ilinniartoq nappaateqarneq uppernarsaavigineqartoq imaluunniit pissutsink immikkut ittunik allanik pissuteqarluni ilinniakkaminik naammassinnissinnaanngippat, taamaattumillu ilinniarnermik nutaamik aallartitsilluni killissarititap sivitsorneqarnissaanik qiegassanik amerlanernik

Ilinniagaqannersiuteqarnermut Naalakkersuisoqarfik tamatuminnga qinnuteqartoqarneratigut tunisisinnaavoq, takuuk § 19, imm. 1. Killissaritami qjugassanik qanoq amerlatigisunik sivitsuisoqarnissaa Ilinniagaqannersiuteqarnermut Naalakkersuisoqarfiup aalajangissavaa.

Imm. 4. Ilinniagaqartoq ingerlaqqiffiusumik ilinniarnermut Naalagaaffiup
ilinniagaqannersiuteqartitsineranit aningasanik ilinniarnermi tunniunneqartartunik pissarsisimappat, killissarititat, takuuk § 19, imm. 1, qaammatinik SU-mit pissarsianik ilanngaavagineqassaaq.

Imm. 5. Ilinniagaqartut ilinniarnermut nangitsiviusumut, qiortartakkanik atuiffiusumut, unitsitseqqaaratik ingerlaqqittut ilinniakkamut nutaamut tiguneqarnerup uppernarsaavigineratigut
ilinniagaqarnerup aallartinneqartup piffissarititaa tapiissuteqarfiusoq aallartiffagalugu qiortartakkanik marlunnik tapiiffingineqarsinnaapput. Qiortartakkat nungappata ingerlaqqilluni ilinniarnermi piffissamit tapiiffiusumit qiortagassat tiguneqassapput. Ilinniakkat taakku marluk akornanni piffissami qiortartakkat tunniunneqassapput, piumasaqataasinnaallunilu utertillugit akilerneqarnissaat, tamatumani ilinniagaqartoq qaavatigut ilinniagarisassaminik aallartitsinngippat.

Imm. 6. Ilinniagaqartoq eqqumiitsuliornermi, nipilersornermi kulturikkullu allatigut ingerlatsiviusumi
ilinniagaqarnikoq ilinniarnerup naammassinerata kingorna ukioq ataaseq qaangiuttoq
ilinniagaqarfigisamini suliffeqalinngippat ilinniakkap allap tamassuma kingorna ilinniagaqartup
aallartitaata naammassineqarnissaa siunertaralugu tamassuminnga qinnuteqartoqarneratigut
killissarititaq ilaneqarsinnaavoq.

§ 23. Ilinniagaqartoq meerartaarnerminut imaluunniit qitornavissiartaarnerminut atatillugu
ilinniagaqannersiutiminut qiortartakkamik tapiliussamik pisinnaatitaaffeqarpoq, tamatumani
ilinniagaqartup meeraq najugaqatigippagu aammalu ilinniagaqanngikkallanngikkuni. Erniveq
qitornavissiartaarnerluunniit pippat ilinniagaqartup ilinniarnini naammassiniarlugu sungiusarluni
sulinerani qiortartakkamik immikkut tunniussisoqassanngilaq.

Imm. 2. Anaanaasoq qiortartakkanik 12-nik tapiliutinik pisinnaatitaavoq.

Imm. 3. Ataataasoq qiortartakkanik 6-nik tapiliutinik pisinnaatitaavoq.

§ 24. Elite Sport Greenlandimit innersunneqarluni Ilinniagaqannersiuteqarnermut
Naalakkersuisoqarfimmit timersornermut immikkut piginnaanllit timersortartutullu
piukkunnassuseqartut ilinniarnerup aallartinneranit akuerisaasut ilinniarnerullu ingerlaneranik immikkut
ittumik aaqqissuussamik Ilinniagaqannersiuteqarnermut Naalakkersuisoqarfimmit akuerisaasumik
ingerlataqartut piffissamut ilinniagaqannersiuteqarfiusumut qiortartakkanik saniatigut
tunineqarsinnaapput.

Imm. 2. Ilinniarnerup immikkut ittumik aaqqissuussap sivisussusissaatut ilimagineqartoq tunngavigalugu
saniatigut qiortartakkanik qanoq amerlatigisunik tunisisoqarnissaa Ilinniagaqannersiuteqarnermut
Naalakkersuisoqarfiup aalajangiiffigissavaa.

§ 25. Ilinniagaqartoq tamanna pillugu qinnuteqareerneratigut piffissamut ilinniagaqannersiuteqarfimmuit
tapiliutitut qiortartagassanik saniatigut 12-it tikillugit tunineqarsinnaavoq ilinniagaqartoq ilinniakkamini
kinguaattoorsimappat, makkuninnga uppernarsarneqarsinnaasunik pissuteqarluni:

- 1) ilinniarfiup aqutsisoqarfiani, ilinniagaqartut siunnersuisoqatigiiviini ilinniarfimmullu atasunut
peqatigiiffinnut assingusunut peqataappat,
- 2) ilinniagaqartut inuttut imaluunniit ilinniagaqarnikkut atugarisaannut atatillugu suliaqarpat, imaluunniit
- 3) nammineq imaluunniit qanignerpaasat nappaateqarnerinik toqunerannilluunniit pissuteqarpat.

Imm. 2. Ilinniagaqarnersiuteqartitaanermut piffissarisap iluani kinguaattoorneq pisimassaaq. Ilinniagaqartup ilinniarnermini qaammatit kinguaattoorfigisaasa qiorqartakkat amerlaqatigai.

§ 26. Ilinniagaqartoq qiorqagassat pinnginnissaanik qinigaqarsinnaavoq, takuuq § 55. Qiorqagassat pinnginnissaat killissarititamik imaluunniit piffissamik tapiissuteqarfimmik allannguinermik nassataqassanngillat. Qiorqagassat pinngitsuugassatut qinikkat ilinniagarisamut atorneqarsinnaapput, kingusinnerusukkullu qaammammut ataatsimut qiorqartakkat ataatsimik ilallugit tunniunneqarsinnaallutik (marlunnik qiorqagaqarneq).

Timersornermut immikkut piginnaanillit timersortartutullu piukkunnassuseqartunut ilinniartitsinerit immikkut aaqqissuussat

§ 27. Timersornermut immikkut piginnaanillit timersortartutullu piukkunnassuseqartut ilinniartitsineri immikkut aaqqissuussani ilinniagaqarnersiuteqarsinnaapput, timersornermut immikkut piginnaanillit timersortartutullu piukkunnassuseqartut timersornertik pissutigalugu taperneqarsinnaasunik ilinniarnernik naammassinninnissamut periarfissaqanngippata.

Imm. 2. Timersornermut immikkut piginnaanillit timersortartulluunniit piukkunnassuseqartut ilinniagaqarnerat imatut katiterneqassaaq timersorneq ilinniagaqarnerlu katillutik tamakkiisumik piffissaq tamaat ilinniarnerat annertussuseqarlutik. Ingerlatsineq Elite Sport Greenlandimiit inassuteqaateqartoqareerneratigut ilinniagaqarnersiuteqarnermut Naalakkersuisoqarfimmitt akuerineqassaaq.

Kapitali 5

Aningasat ilinniarnermi tunniunneqartartut meeqlanullu tapisiat naatsorsorneqartarnerat

§ 28. Ilinniakkanut qiorqartakanut ilaangitsunut aningasat ilinniarnermi tunniunneqartartut meeqlanullu tapisiat qaammatikkaartumik naatsorsorneqartarput. Ilinniagaqarnerup aallartinnerani, naammassinerani, unitsinnerani aamma unitsikkallarnerani aningasat ilinniarnermi tunniunneqartartut meeqlanullu tapisiat ullormut ilinniarfigisamut naatsorsorneqartarput. Ullormik aallartiffimmik naatsorsuinermi pisariaqartitanik piffissat angalaffit najugaqarfiillu ilanngunneqarsinnaapput. Ilinniarfiup sungiusaammillu suliffiup akornanni paarlaassinermi atuarfimmiennermi ulla ilinniartitsiffiusut ataasiakkaarlugit aningasat ilinniarnermi tunniunneqartartut naatsorsorneqartarput.

Imm. 2. Tamatumunnga qinnuteqaatip tiguneranit ullormit aallartittumit aningasat ilinniarnermi tunniunneqartartut meeqlanullu tapit tunniunneqartarput. Meeraq tapisiaqarfiup nalaani inunngorpat meeqlanut tapisiat piffissamit inunngorfiusumit tunniunneqassapput ilinniagaqartoq meeqlanut tapisiat pilligit qinnuteqaammik piffissamit inunngorfiusumit qaammatit marluk qaangiutinnginnerini nassisimappat.

Imm. 3. Aningasat ilinniarnermi tunniunneqartartut meeqlanullu tapisiat qaammatikkaartumik kingumoortumik tunniunneqartarput, qaammammiillu qinnuteqaatip tiguneqarfianit siusinnerpaamik aallartissinnaallutik, aammalut nalunaarummi ilinniagaqarnersiuteqarnissamut piumasaqaatinik ilinniagaqartup eqquutsitsinera apeqqutaatinneqarluni.

Imm. 4. Ilinniagaqartup piffissamit ilinniagaqarunnaarfisaaanit taamaalillunilu ilinniagaqarnersiutinik pisinnaatitaafeerunnerani aningasat ilinniarnermi tunniunneqartartut meeqlanullu tapisiat tunniunneqarunnaassapput. Ilinniagaqartup piffissami ilinniagaqqilerfianit akiliisarneq aallarteqqinnejassaaq.

Imm. 5. Ilanniagaqartup takkutinngitsoornerata malitsigisaanik aningaasat ilinniarnermi tunniunneqartartut aamma meeqqanut tapisiat annertussusaannik annikillisaasoqarsinnaanngilaq, takujulli § 30.

§ 29. Ilanniakkanut qiortartakkamut ilaasunut qaammatit ilivitsukkaarlugit qiortartakkat naatsorsorneqartarpuit.

Imm. 2. Ilanniagaqartoq ilinniarnermi aallartinnerani ilanniagaqartuunerullu nalaani qiortartakkanik pisinnaatinneqassaaq ilanniagaqartoq qaammatip akiliiffiusussap ulluisa 15-iat killigalugu ilinniagaqalersuusimaguni. Ilanniagaqartoq ilinniarnerup aallartinnerani ilanniagaqalernera qaammatip akiliiffiusussap ulluisa 15-iat qaangiutereersoq ilanniagaqalersuusimaguni allakkatigut qinnuteqaateqarnermigut qiortartakkani ataatsimik siuartitsivigisinnaavaa, taannalu ilutigalugu killissarititaasunit ilinniagaqarnersiuteqarfiusinnaasumiillu ilanngaatigineqassalluni. Ilanniagaqartoq ilinniagaqarnerminik aallartitsinerminut naammassinninnerminullu atatillugu ilanniagaqartuusimaneranik aalajangiiniarnermi naatsorsuutigineqassapput piffissat angalaffiullutillu akunniffiusarsimasut, ilitsorsorneqarnermik akuerisaasunik ingerlassat ilanggullugit.

Imm. 3. Qiortartakkat qaammatikkaartumik akilerneqartarpuit, ilinnigaqarnersiuteqarnissamillu qinnuteqaammik qaammammi tigusiffimmit aallartinneqartarlutik, aammalu nalunaarut malillugu ilinniagaqarnersiuteqarnissamut piumasaqaatinik ilanniagaqartoq naammassinnissimassalluni. Taamaattoq meeqqanut tapiissutit erninerup nalaanit tunniunneqarsinnaalertarput, tamatumani ilinniartoq ernereernermermi kingorna kingusinnerpaamik qaammatit marluk qaangiutinnginneranni meeqqamatut tapiissutisiaqarnissamik qinnuteqaateqarpat.

Imm. 4. Ilanniagaqartup piffissamit ilinniagaqarunnaarfisaaanit taamaalillunilu ilinniagaqarnersiuteqarnissamik pisinnaatitaaffeerunneranit qiortartakkat tunniunneqartarunnaassapput. Piffissaq taanna qaammammi ullaat 15-iisa kingornaniippat qiortartakkanik akiliisarneq qaammammi tullinnguuttumi unitsinneqassaaq. Ilanniagaqartup piffissami ilinniagaqaqqilerfianit qiortartakkanik akiliisarneq aallarteqqinnejqassaaq. Piffissaq taanna qaammammi ullaat 15-iisa kingornaniippat qaammatip tullianiit qiortartakkanik akiliisoqqaqqittalissaq.

Imm. 5. Ilanniagaqartup takkutinngitsoornerata malitsigisaanik aningaasat ilinniarnermi tunniunneqartartut qaammatikkaartut aamma meeqqanut tapisiat annertussusaannik, qiortartakkap annertussuseqataanik, annikillisaasoqarsinnaanngilaq, takujulli § 30.

§ 30. Kommunalbestyrelsi kommunimi Piareersarfimmi ilinniartunut atatillugu aningaasanik ilinniarnermi tunniunneqartartunik annikillilerisinnaavoq, takuuq imm. 2, tamatumani pineqartoq ilinniartitsinissanut aalajangersakkanut imaluunnit sungiusaammik suliffiusunut, ilinniarfiup akuerisimanngisaanik orniguttanngippat imaluunniit kingusinaarluni orniguttarpat.

Imm. 2. Aningaasanik ilinniarnermi tunniunneqartartunik imm. 1 malillugu annikillilerineq, takuuq § 13, imm. 1, nr. 8 imaluunniit nr. 2, naatsorsorneqassaaq qaammammut agguaqatigiissillugu nal. akunneri 173,3-nik aggualrugit, ilanniagaqarnersiutit nalinginut nalimmassarlugit. Tiimimut nalinga taamaalilluni § 13, imm. 1, nr. 8 imaluunniit nr. 2 malillugit aningaasat aalajangerneqartut 173,3-mik aggualrugit naatsorsorneqassaaq.

Kapitali 6

Immikkut tapiissutit

Ineqarneq

§ 31. Ilanniärnerup aallartinneranut, unitsinneranut imaluunniit naamassineranut atatillugu tamanna pillugu qinnuteqarnermi pissutsit immikkut illuinnartut atuutsillugit ilinniagaqartup ineqarallarnermut sap. akunneri pingasut tikillugit aningaasartuutit tamakkiisumik imaluunniit ilaannakortumik akilersissinnaavai, tassunga ilanngullugit:

- 1) angallannermi pissutsit tunngavigalugit ineqarallartariaqarpat, imaluunniit
- 2) ilinniartup nammineq inissarsiornera, imaluunniit ineqartuaannarnera imaluunniit allatut ineqarallarneranut pissutsinik ilinniartup pisuussutigingisaanik pissuteqartumik iluatsissimangippat.

Imm. 2. Aningaasartuutinut ullunut ataasiakkaanut ullormut 70 kr.-nit sinnerlugit annertussuseqartunuinnaq akiliussisoqarsinnaavoq. Aningaasartuutit akiliussutigineqartut ilinniärnermi taarsigassarsianngortinneqassapput, taamatullu ilinniagaqarnersiutit pillugit Inatsisartut inatsisaanni kapitali 4-mi aamma 5-im i maleruagassatut aalajangiussat naapertorlugit ernialersorlugillu utertillugit akilersorneqassallutik.

§ 32. Ilinniagaqartut Kalaallit Nunaanni ilinniärnerminni ilinniartut inaanni najugaqarfiup akiata assinganik ineqarnermut matussutissanik tamassuminnga qinnuteqartoqareerneratigut tapiiffigineqassapput,

- 1) ilinniarfimmuinneq qaammatit arfinillit inorlugit sivisussuseqarpat,
- 2) ilinniagaqartoq ilinniartut inaanni ineqartinneqaruni imaluunniit Ilinniagaqarnersiuteqarnermut Naalakersuisoqarfiup innersuutigisaanut inissinneqaruni, aamma
- 3) ilinniagaqartoq namminerisamik inoqutigiinnik pilersuisuuppat, najugaqarnermik upernarsaammik aamma attartuinermik isumaqtigisummik akuerisamik, piginneqatigiiffimmit upernarsaammik imaluunniit piginnittuunermik upernarsaammik upernarsaateqaruni.

Akiliunneqarluni angalanerit

§ 33. Ukununnga atatillugu akiliunneqarluni angalasoqarsinnaavoq:

- 1) ilinniagaqarnerup aallartinnerani, unitsinnerani, unitsinneqarallarnerani naamassineraniluunniit, takukkit §§ 35-36,
- 2) ilinniagaqarnermik unitsitsigallarnermi, takuuk § 37,
- 3) feeria, takukkit §§ 38-39,
- 4) juullimi atuanngiffeqarnermi, takuuk § 40,
- 5) ilinniakkamut attuumassuteqartumut ilinniarfimm allamiinermi il.il., takuuk § 41, imaluunniit
- 6) napparsimasoqarnerani toqusqarneranilu, takuuk § 42.

Imm. 2. Angalanermik akiliussisoqassanngilaq ilinniagaqartoq suliffimmini suliunnaarluni imaluunniit suliffissamini sulilissalluni sulisitsisup akiligassaanik angalassappat.

Imm. 3. Aapparisat akiliunneqarlutik angalasinnaanngillat, takuuk § 6, kisiannili § 36, imm. 4-mi aamma § 40, imm. 3-mi 4-milu pisut taaneqartut pinnagit.

§ 34. Pisortatigut angallassinermut periarfissat sapinngisamik akikinnerpaat atorneqarneranni bilitsumut angalatillunilu uninngasariaqarnerni aningaasartuutinut tamakkiisumik matussutissat akiliunneqarluni angalanernut ilaapput. Bilitsumik utertinneqarsinnaanngitsunik atuinngitsoqarsimatillugu, ilinniagaqartunut 18-it sinnerlugit ukiulinnut ilinniärnermut taarsigassarsisitsisoqarsinnaavoq, tak. § 52, imm. 4, bilitsumik taartissamik pisinissamut. Ilinniärnermut taarsigassarsiat ernialersorneqarlutillu akilerneqassapput ilinniagaqarnersiutit pillugit Inatsisartut inatsisaat kapitali 4-mi aamma 5-im i maleruagassat malillugit.

Imm. 2. Aqqut alla atorlugu angalasoqarsimappat pisortat angallassisinnaanermik akuerisaannut akikinnerpaamut aningaasartuutit killigalugit matussusiisoqassaaq. Aqqummut pisortat angallassisinnaanermik akuerisaannik angallassisinnaaneq periarfissangippat angalanertut akikinnerpaatut periarfissaasumut aningaasartuutit qaffasinnerpaaffigisinnaasaannik matussusiisoqassaaq.

Imm. 3. Bilitsinik allannguinerni aningaasartuutit matussuserneqassanngillat.

Imm. 4. Taxarnermi, timmisartoqarfip bussiinut aamma timmisartoqarfimmut qimuttuitsunut aningaasartuutit matussuserneqarsinnaanngillat.

§ 35. Ilinniagaqarnissap aallartinneranut atatillugu aalajangersimasumik angerlarsimaffimmii illoqarfimmut ilinniarfiusussamut timmisartoqarfimmut, umiarsualivimmut imaluunniit qimuttuitsut unittarfiannut qaninnerpaamut pisortat akuerisaannik angallassiviusutut akikinnerpaaq atorlugu angalanermut akiliussisoqassaaq, taamaattorli takuuk § 34, imm. 4. Bacheloritut ilinniartitaanermik, imaluunniit ilinniakkamut nangitsiviusumik, piareersarfiusumik ilinniareernerup, ilinniarnertuuungorniarluni ilassutitut ilinniareernerup naammassineranut imaluunniit bacheloritut ilinniartitaanermik naammassisqaareernerup sivitsuutigisaanik aallartitsinermi Kalaallit Nunaanni aalajangersimasumik kingullertut angerlarsimaffigisap aamma illoqarfip ilinniarfiusup qaninnerpaamik timmisartoqarfia, umiarsualiviata imaluunniit qimuttuitsut unittarfiata akornanni aqqummut akiliunneqarluni angalasoqassaaq pisattanik assartuinertaqanngitsumik, naak ilinniagaqartoq illoqarfimmil ilinniarfimmini aalajangersimasumik angerlarsimaffeqaannaraluartoq, taamaattorli takuuk § 34, imm. 4.

Imm. 2. Ilinniagaqarnerup naammassineranut atatillugu illoqarfimmii ilinniagaqarfiusumiit ilinniarnerup aallartinnginnerani Kalaallit Nunaanni aalajangersimasumik najugaqarfimmik kingullermi mittarfimmut, umiarsualivimmut qimutsuitsulluunniit unittarfiannut qaninnermut akiliunneqarluni angalasoqassaaq, takuuli § 34, imm. 4. Piffissap ilinniartitaanermik naammassisffiusup kingorna kingusinnerpaamik ukioq ataaseq qaangiuttoq angalasoqassaaq.

Imm. 3. Ilinniagaqarnermik unitsitsinermi unitsitsigallarnermilu illoqarfimmut ilinniarfiusumut naleqqiullugu timmisartoqarfip, umiarsualiviup imaluunniit qimuttuitsut unittarfiata qaninnerpaap aamma ilinniagaqarnerup aallartinnerani Kalaallit Nunaanni kingullermik aalajangersimasumik angerlarsimaffiup akornanni akiliunneqarluni angalasoqassaaq, taamaattorli takuuk § 34, imm. 4. ilinniagaqarnerup aallartinneranut atatillugu illoqarfimmut ilinniagaqarfimmut akiliunneqarluni angalanissaq akuerineqarsimappat. Ilinniarnerup unitsinnerata unitsikkallarnerataluunniit kingorna kingusinnerpaamik ukioq ataaseq qaangiuppat angalasoqassaaq.

Imm. 4. Ilinniartitaanerup aaqqissuussaanerata pisariaqartippagu, aammalu ilitsersuisumit nikinnissaq allakkatigut akuerineqartillugu assigiinngitsuni ilinniarfinniinnerit, atuarfimminnerit aammalu ilinniarnermut atatillugu sungiusammik suliffit akornanni akiliussisoqarluni angalasoqassaaq.

Imm. 5. Ilinniagaqarnersiuteqarnermut Naalakersuisoqarfik imm. 2, oqaaseqatigiit siullianit immikkut akuersissuteqarsinnaavoq pissutsit immikkut ittut atuuppata, Kalaallit Nunaanilu ingerlavimmut allamut akiliunneqarluni angalanermut, tassunga ilanngullugu ilinniakkap naammassineranut imaluunniit unitsinneranut atatillugu angerlamut aallalinnginnermi ilinniagaqartup illoqarfimmik utherfiginiakkatut qinnutigisami suliffittaarsimanera upternarsarneqarsinnaappat, imaluunniit ilinniagaqartup ilaqtai qaninnerit illoqarfimmut allamut nuussimappata.

§ 36. Ilinniarnerup aallartinneranut, unitsinneranut, unitsikkallarneranut imaluunniit naammassineranut atatillugu ilinniagaqartumut angalanermik akiliussisoqartillugu meeqlanut 18-it inorlugit ukiulinnut

angalanermut akiliussisoqarsinnaavoq, taamaattorli takuuk imm. 5, tamatumani:

- 1) meeraq ilinniagaqartumi najugaqartillugu,
- 2) meeraq ilinniagaqartup nammineq qitornarippagu, imaluunniit ilinniagaqartup aapparisaata qitornarippagu, takuuk § 6,
- 3) ilinniarneq imaluunniit ilinniarfimmuinnej qammatit qulit sinnerlugin sivisussuseqarpat, aamma
- 4) ilaqtariinnut inissiisoqarneranik meeqqamullu paaqqinnifusinnaasumik pissarsisimanermik uppernarsaasoqarsinnaappat.

Imm. 2. Ilinniarneq ilinniarfimmuinnej Kalaallit Nunaanni ingerlanneqartoq qaammatinit qulinit sivikinneruppat meeqqanut 18-nit inorlugit ukiulinnut akiliussilluni angalatitsisoqarsinnaavoq imm. 1, nr. 1, 2 aamma 4-mi piumasaqaatit eqqortinneqarpata, ilinniarfimmuit ilitsersuisartoq akuersisimappat.

Imm. 3. Ilinniartitaaneq ilinniarfimmuinnej Kalaallit Nunaata avataani, tassunga Danmarki ilanngullugu, pisoq qaammatinit qulinit sivikinneruppat meeqqat angalanermut akiliunneqarsinnaanngillat. Ilinniagaqarnersiuteqarnermut Naalakkersuisoqarfik tamanna pillugu, pissutsit immikkut ittut atuutsillugit immikkut akuersissuteqarsinnaavoq, tassunga ilanngullugu meeqqap ukioqassusiata (0-6-inik ukioqarnerata), inissaqarnikkut atugarisat aamma meeqqamik paaqqinnitqarsinnaaneranik atugarisat pisariaqartippassuk.

Imm. 4. Ilinniagaqartup aapparisaa, takuuk § 6, angalanermut akiliunneqassaaq meeqqat akiliunneqarlutik angalanissaat imm. 1 najoqqutaralugu akuerineqarsimappat.

Imm. 5. Ilinniagaqarnerup naammassineranut, unitsinnejqarneranut imaluunniit unitsikkallar-neqarneranut atatillugu ilinniarfimmuit meeqqat nassarneqartut, ilinniarnerullu naammassinerani imaluunniit unitsinnerani 18-inik ukioqalereersimasut angalanermut akiliunneqassapput.

§ 37. Ilinnianngiffeqarallarnermi, tassunga ilanngullugu naartunermi ernereernermilu ilinnianngiffeqarallarnermi, angalanermut akiliussisoqassaaq:

- 1) ilinnianngiffeqarallarneq ilinniarfimmuit akuerineqarsimappat,
- 2) ilinnianngiffeqarallarneq qaammatit pingasut sinnerlugin sivisussuseqarpat,
- 3) ilinnianngiffeqarallarnerup aallartinneraniit qaammatip ataatsip iluani angalaneq aallartinneqarpat, aamma
- 4) ilinniagarisap aallarteqqinnissaa siusinnerpaamik qaammammik ataatsimik sioqquillugu illoqarfimmuit ilinniagaqarfiutut utimut angalaneq aallartinneqarpat.

§ 38. Ukiup ilinniarfiusup iluani feeriamut atatillugu siumut utimullu angalanermut illoqarfiusup ilinniarfigisap aammalu nammineq qitornarisat Kalaallit Nunaanni aalajangersimasumik najugaasa akornanni imaluunniit ilinniagaqartup angajoqqaarisalluunniit kingullermik Kalaallit Nunaanni aalajangersimasumik najugaasa akornanni akiliunneqarluni angalasoqarsinnaavoq. Tamannali atuutinngilaq ilinniagaqarneq ukiumi pineqartumi decembarip aallaqqataa nallertinnagu naammassineqassappat. Utimut angalanissaq kingusinnerpaamik pissaaq ilinniagaqarnerup aallartinnissaanut atatillugu.

Imm. 2. Imm. 1 naapertorlugu akiliunneqarluni angalaneq Kalaallit Nunaanni najugaqarfissamut allamut angalanertut pisinnaavoq kingullermik aalajangersimasumik najugarisamut angalanermut aningaasartuutit ornitassamut aningaasartuutissat qaangersimannngippatigit.

Imm. 3. Imm. 1 aamma 2 naapertorlugin siumut utimullu angalatitsisoqartassaaq meeqqanut 18-it inorlugit ukiulinnut ilinniagaqartumilu najugalinnut ilinniagaqartullu pilersuisussaaffigisaanut.

Imm. 4. Bilitst angalanissaq kingusinnerpaamik sapaatit akunneri sisamat sioqquillugit

inniminnerneqassapput. Kingusinnerusukkut inniminniinermi aningasartuutit annertuseriaatigisinnaasaat matussuserneqassanngillat.

§ 39. Ilanniagaqartut ilinniaqqinnissamut piareersaataasumik naammassininnerminnut, iliniarnertuunngorniarluni ilassutitut ilinniarnermut imaluunniit bacheloritut ilinniarnermut atatillugu Kalaallit Nunaanni aalajangersimasumik kingullertut angerlarsimaffigisamut akiliunneqarlutik angalasinnaatitaasut, tak. § 35, imm. 2, oqaaseqatigiit pingajuat, aammalu Kalaallit Nunaanni aalajangersimasumik kingullertut angerlarsimaffigisap illoqarfimmut ilinniarfiusumut naleqqiullugu timmisartoqarfiup, umiarsualiviup imaluunniit qimuttuitsut unittarfiata qaninnerpaap akornanni angalanermut akiliunneqarsinnaatitaasut ilinniarnerminnik naammassisaminnut atatillugu ilinniarnermik nutaamik ingerlaqqillutik sivitsuisut, tak. § 35, imm. 1, oqaaseqatigiit appaat, angalanernik pineqartunik nuussisinnaapput § 38 malillugu siumut utimullu angalanissanngorlugu. Nuussinermik nalunaaruteqartoqassaaq siumut-utimullu angalanissaq kingusinnerpaamik qaammatit pingasut sioqqullugit.

§ 40. Ilanniagaqartumut, qitornanut najugaqtiginngisaminut angajoqqaatut oqartussaassuseqartumut, meeqqat arlaata Kalaallit Nunaanni najugaata aalajangersimasup illoqarfiallu ilinniarfigisap akornanni juullimut siumut utimullu angalatitsisoqarsinnaavoq. Tamannali atuutissangilaq ilanniagaqartup meeraq ilinniagaqarfiusumut ukiumi ilinniarfiusumi tassani ilagisimappagu, imaluunniit ilinniagaqartup ilinniarnini ukiup qaammatisiutai malillugit ukiup tulliani 1. marts nallertinnagu naammassisappagu.

Imm. 2. Meeqqat, aappaasoq pinnagu, takuuq § 6, illoqarfimmut ilinniarfigisamut ilagineqarsimappata ilinniagaqartoq meeqqallu siumut utimullu angalanissamut akiliunneqassapput aappaasoq aamma meeqqat ilaannut ataatsimut angajoqqaatut oqartussaassuseqarp. Illoqarfip ilinniarfigisap aammalu aappaasup aalajangersimasumik Kalaallit Nunaanni najugaata akornanni siumut utimullu angalanermut akiliussisoqassaaq.

Imm. 3. Illoqarfik ilinniarfigisaq Kalaallit Nunaanniippat imm. 2 malillugu angalanermut taarsiullugu aappaasoq inooqataasorluunniit meeqqallu ilinniartup angajoqqaatut oqartussaaffigisai illoqarfimmut ilinniarfigisamut siumut utimullu angalanissamut akiliunneqarsinnaapput. Imm. 2 naapertorlugu angalanermut akiliunneqarsinnaasumut naleqqiullugu aningasartuutit annertuseriaatigisinnaasaat matussuserneqassanngillat.

Imm. 4. Illoqarfik ilinniarfigisaq Kalaallit Nunaata avataaniippat, tassunga Danmarki ilanngullugu, imm. 2 malillugu angalanermut taarsiullugu aappaasoq inooqataasorluunniit meeqqallu ilinniartup angajoqqaatut oqartussaaffigisai illoqarfimmut ilinniarfigisamut siumut utimullu angalanissamut akiliunneqarsinnaapput, ilinniagaqarnermi pissutsit immikkut ittut tassani atuuppata, tassunga ilanngullugit soraarummeernerit aamma immikkut sammisamik suliaqarneq. Imm. 2 naapertorlugu angalanermut akiliunneqarsinnaasumut naleqqiullugu aningasartuutit annertunerulersimappata matussuserneqassanngillat.

Imm. 5. Illoqarfimmi ilinniarfimmiinneq qaammatinit qulinit sivikinneruppat imm. 1-4 malillugit angalanermut akiliussisoqarsinnaanngilaq.

Imm. 6. Bilitsit aallannginnermit kingusinnerpaamik sapaatit akunnerit sisamat sioqqullugit inniminnerneqassapput. Kingusinnerusukkut inniminniisoqarneratigut aningasartuutaanerusinnaasut matussuserneqassanngillat.

§ 41. Ilitsersuisumit inassuteqartoqareerneratigut ilinniagaqarnersiuteqarnermut Naalakkersuisoqarfik tamassuminnga qinnuteqartoqareerneratigut aalajangiisinnaavoq ilinniagaqartup angalanernut aningasartuutigisariagaanut aammalu akunninnermut aningasartuutigisariagaanut tamakkiisumik

matussusiiisoqarnissaanik, takukkit imm. 2-5 makkununnga atatillugu:

- 1) ilinniagaqarnermik aaqqissuussinermi taaneqarsimasunik pinngitsoorani naammassisassanik pingaarcerusunillu naammassisassanik suliarinninnermi imaluunniit immikkut sammisaq pingaarcerusumilluunniit naammassisassamik suliarinninneq ilinniagaqarnermipineqartumiimmikkut pisinnaasaqarfialerpat,
- 2) ilinniagassanut tunngasunik suliaqarluni qaammammit ataatsimit sivisunerusumik suliamik sungiusarfimmiinnerni,
- 3) ilinniagassanut tunngasunik suliaqarluni ilinniarfimmi allamiinnermi, ilinniakkamut tunngatillugu pinngitsoorani ilinniarfimmiittoqartussaappat ilinniagaqarnermulluaaqqissuussinermi taaneqarsimappat imaluunniit ilinniarfimmiinneq ilinniagaqarnermipineqartumiimmikkutpisinnaasaqarfialerpat,
- 4) ilinniagaqalernissamut pinngitsoorani misilitsittussaanermi.

Imm. 2. Kalaallit Nunaanni Kalaallillu Nunaata avataani ilinniarfimmiinnerni aningaasartuutinut pisariaqartunut tapiissutit aalajangerneqassapput ilinniarfimmiinnerni qaammammut aningaasartuutinit procentinngorlugit, taamaalilluni ilinniarfimmiinnerni aningaasartuutit

- 1) kr. 4000 tikillugit 100%-imik matuneqassallutik,
- 2) kr. 4000 aamma kr. 10.000 akornanniittut 75%-imik matuneqassallutik, aamma
- 3) kr. 10.000 sinnerlugit 50%-imik matuneqassallutik, annertunerpaamilli kr. 10.000.

Imm. 3. Imm. 1-imi 2-milu aningaasartuutit taaneqartut tamarmik pisariaqartutut uppernarsarneqarsimassapput ilitsersuisumillu siumut akuerineqarsimassallutik. Tapiissutit annertunerpaamik semesterimut ataatsimut tapiissutigineqartassapput.

Imm. 4. Angalaneq taamaaliortoqarsinnaappat ukiumoortumik ilinniagaqannginnermi angalanermut atatillugu inissinneqassaaq, takuuk § 38.

Imm. 5. Paasisassarsiorluni angalanernut paasisassarsiornernullutapiisoqarsinnaanngilaq.

§ 42. Ilinniagaqartup ilaquaani qanignerpaasaani napparsimaruluttoqartillugu toqusoqartilluguluunniit ilinniagaqartumut taassumalu meeraanut, ilinniagaqartumi najugaqarpata, angalanermut aningaasartuutit allanit matuneqarsimatinnagit akiliussilluni angalatitsisoqassaaq. Akiliussilluni angalatitsisoqassaaq illoqarfip ilinniarfiusup qanignerpaasallu pineqartup najugaata akornanni siumut utimullu angalanertut.

Imm. 2. Aallarnissaq sioqqullugu nakorsap nalunaarutaatigut uppernarsarneqassaaq nappaat ima peruluutaatigisoq ilaquaasut pisarnertut aggersarneqarlutik. Toqusoqarneratoqusup toquneranik uppernarsaatit allagartap assigisaataluunniit nuutinneranik uppernarsarneqassaaq.

Imm. 3. Ilinniagaqartoq toquppat, illoqarfimmut ilinniarfiusumut atatillugu mittarfimmit, umiarsualivimmit imaluunniit qimutsuitsunut unittarfimmit, takujulli § 34, imm. 4, ilaquantat najugaqarfiannut toqusup angallanneqarneranut tapiisoqassaaq.

Ilinniagaqarnermut atatillugu allamiinneq

§ 43. Ilinniagaqartup tapiiffigineqarsinnaasumik ilinniarneranut atatillugu ilinniagaareersumik nuussinermi Kalaallit Nunaata avataaniittoqarsinnaavoq, tassunga ilanngullugu Danmarkimi, tamakkiisumik ilaannakortumilluunniit tapiiffigineqarsinnaasutit Ilinniagaqarnersiuteqarnermut Naalakkersuisoqarfip akuerisinnaavaa. Tamassuminnga qinnuteqartoqareerneratigut akuersisoqartassaaq. Ilinniagaqarnermut atatillugu allamiinnerup aallartinnginnera kingusinnerpaamik qaammat ataaseq sioqqullugu qinnuteqaat Ilinniagaqarnersiuteqarnermut Naalakkersuisoqarfimmut tunniunneqassaaq.

Imm. 2. Ilanniagaqarnersiuteqarnermut Naalakkersuisoqarfik akuersinermut piumasaqaateqarsinnaavoq, tassunga ilanngullugu assersuutigalugu paassisutissanik nassiuassinissaq aamma assersuutigalugu tamakkiisumik ilaannakortumilluunniit nammineq akiliuteqarnermi, tassunga ilanngullugu ilinniagaqarnermi akiliutinit nammineq akiliuteqarnermi.

Pisattanik assartuisarneq

§ 44. Ilanniagaqarnerup aallartinneranut, unitsinneranut imaluunniit naammassineranut atatillugu angalanermut akiliussisoqarnissaa akuersissutigineqarsimagaangat, tamaattorli takuuk § 35, imm. 1, oqaaseqatigijt aappaat, pisattanik assartuinermut akiliussisoqarsinnaavoq.

Imm. 2. Pisattanik assartuinermut akiliussisoqarsinnaavoq:

- 1) ilanniagaqartunut qaammatit arfinillit sinnerlugit ilinniarfimmiiittussanut imaluunniit sungiusaammik suliffimmiiittussanut, meeqqat akiliunneqarlutik angalanissaat akuersissutigineqarsimagaangat,
- 2) ilanniagaqartunut appariinnut angalaqatigiittunut ilinniartup aappaanut, takuuk § 6, ilinniarnissaq qaammatinik 20-nik sivisunerusussatut naatsorsuutigineqarpat,
- 3) qaammatinit 20-nit sivisunerusumik ataannartumik ilinniareerluni angerlarnermut atatillugu, imaluunniit/aamma
- 4) pisattat ornigassamut angallanneqarnerannut akiliussisoqarsimatillugu, takukkit nr. 2 aamma 3.

Imm. 3. Ilanniagaqarnermik unitsitsisoqarallartillugu, tassunga ilanngullugit ilanniagaqarnermik unitsitsigallarneq pisattanik assartuinermut akiliussisoqarsinnaanngilaq.

Imm. 4. Ilanniagaqartunut Kalaallit Nunaata Nunallu Avannarliit avataani ilanniagaqarnermi ilinniagaqarnersiuteqarnissamik akuerineqartunut pisattanik assartuinermut akiliussisoqarsinnaanngilaq.

§ 45. Usinik umiarsuarmik angallassinermut akiliussinermi pineqartut tassaapput containeri ataaseq $5,46\text{ m}^3$ -tut annertussusilik imaluuniit nassiussatut $5,46\text{ m}^3$ -itut initutigisut angallanneqarnerat sillimmaserneqarnerallu ilanngullugit, nassiussat ataatsit 100.000 kr.-it tikillugit sillimmasersimasut.

Imm. 2. Pisuni immikkut ittuni umiarsuartigut angallassinissaq ajornartillugu toqqortarinnikkallartitsinermut aningaasartuutinik matussusiisoqarsinnaavoq.

Imm. 3. Ilanniagaqartut Kalaallit Nunaannit allamukartut Kalaallit Nunaaliartulluunniit nassatanut akiliunneqarneranni puuiaaneq poortuinerlu aningaasaliinermut ilanngunneqartarput.

Imm. 4. Ilanniagaqartut appariit, takuuk § 6, isorartoqatigiimmik angalasussat annerpaamik containerimut ataatsimut nassiusanulluuniit $5,46\text{ m}^3$ -isut initutigisut akiliunneqarsinnaapput. Aappariit tamarmik ilinniakkaniq tamarmik immikkut qaammatit 24-t sinnerlugit sivisussuseqartuni ilinniagaqarsimappata containerit marluk imaluunniit nassiusat katillugit $10,92\text{ m}^3$ -isut initutigisut akiliunneqarsinnaapput.

Imm. 5. Ilanniagaqartut pingasunik amerlanernilluunniit meeraqartut containerit marluk imaluunniit nassiusanut katillugit $10,92\text{ m}^3$ -isut initussuseqartunut akiliunneqarsinnaapput.

§ 46. Nassatanut akiliussisoqartillugu, taamaattorli umiarsuartigut assartuinissaq ajornartillugu, angalanermut akiliunneqartumut ataatsimut naammaginartumik upternarsaasiinikkut ilinniarnerup aallartinnerani, unitsinnerani naammassineraniluuniit timmisartukkut nassatanut 10 kg angullugu oqimaappallaarutaasunut aningaasartuutit utertinneqarsinnaapput.

§ 47. Pisattanik assartuinermut akiliussisoqassanngilaq ilinniagaqartoq suliffimmini suliunnaarluni imaluunniit suliffissamini sulilissalluni sulisitsisup akiligassarisaanik pigisanik angallassissappat.

Immikkut atuarneq aamma katsorsartinnermut aningaasartuutit

§ 48. Kalaallit Nunaata avataani, tassunga Danmarki ilanggullugu, atuarernut tamakkiisumik matussusiisoqartassaaq pineqartup ilinniagaqarnerani ilinniartitsissummut tunngasumut kalaallit oqaasiinik ilinniartitsinermi immikkullu ilinniartitsinermi pisariaqartumi peqataanermut aningaasartuutinut. Immikkut atuarnissamik pisariaqartitsineq ilinniarfimmi ilitsersuisup inassuteqaataanik uppernarsaaserneqartassaaq.

§ 49. Kalaallit Nunaata avataani, tassunga Danmarki ilanggullugu, ilinniagaqartut nakorsamit uppernarsaaserneqartumik anigorsinnaangnisaminnik nappaateqaraangata nakorsamit innersunneqartunik nakorsaatinut aningaasartuutaat matussuserneqassapput.

Imm. 2. Kalaallit Nunaata avataani, ilanggullugu Danmarkimi, ilinniagaqartut nakorsamit innersunneqartumik katsorsarneqarnermut aningaasartuutaat matussuserneqassapput.

Imm. 3. Kalaallit Nunaata avataani ilinniagaqartut, ilanggullugu Danmarkimi, pisariaqartumik kigutinik suliaritisisiaqaleriatareranni aningaasartuutinut tamakkiisumik matussusiisoqartassaaq, suliaritinneq Ilinniagaqarnersiuteqarnermut Naalakkersuisoqarfimmit akuerineqarpat.

Imm. 4. Imm. 1-3 malillugit taamaallaat aningaasartuutinut matussusiisoqassaaq aningaasartuutit ilaannut pisortanit oqartussaasunit allanit imaluunniit sillimmasiisarnermik aaqqissuussiffiusunit akilerneqanngitsunut.

Atuakkanut aningaasartuutinut tapiissutit

§ 50. Ingerlaqqiffiusumik ilinniarfinni ilinniagaqartunut ilinniagaqarnermi atuakkanik, paassisutissanik katersanik, allaatigisanit katersukkanik assigisaannillu pinngitsoorani pigisassanik pisinermut tapiisoqartarpooq. Ilinniagaqartup ilinniakkami sorlermi ilinniartunngortinnejarsimanera tapiissutit annertussusaannut apeqquataavoq. Taamaalluni tapiissutit immikkoortunut pingasunut tapiissutit akilerneqartarpooq:

- 1) atuakkanut tapiissutit qaffatat
- 2) atuakkanut tapiissutit nalinginnaasut, imaluunniit
- 3) atuakkanut tapiissutit ilanggakkat.

Imm. 2. Ilinniagaqarnerni atuakkanut, paassisutissanik katersanut, allaatigisanit katersukkanut assigisaannillu pinngitsoorani pigisassanut aningaasartuutinut immikkut qaffasissunut tapiissutit immikkut qaffanneqarnissaannik Ilinniagaqarnersiuteqarnermut Naalakkersuisoqarfik aalajangiisinggaavoq.

Imm. 3. Tapiissutit semesterit immikkut tamarmik aallartinneranni akilerneqartarput, atuakkanullu tapiissutit qaffatat kr. 1100-inik annertussuseqarput, atuakkanut tapiissutit nalinginnaasut kr. 600-inik annertussuseqarput aamma atuakkanut tapiissutit ilanggakkat kr. 200-nik annertussuseqarput.

Imm. 4. Tapiissutit immikkoortut pingasut imm. 1-imni taaneqartut ilinniakkant ataasiakkaanut inissinneqarfia aamma ilinniakkat sorliit immikkut qaffatanik tapiiffigineqassanersut tapiissutillu taakku annertussusaat Ilinniagaqarnersiuteqarnermut Naalakkersuisoqarfip "www.sunngu.gl" -imi ukiumoortumik avammut nalunaarutigisarpai.

Bussinut ilaanermut tapiissutit

§ 51. Tamatumunnga aningaasartuutit allaniit matussuserneqarsinnaanngippata Kalaallit Nunaanni bussinut ilaanermut qaammatikkaartumik allagartamik pisinermut ingerlaqqiffiusumik ilinniagaqartut aningaasartuutaannut tapiissuteqartoqarsinnaavoq, ilinniagaqartup najugaqarfisaaaniit

ilinniagaqarfimmut aqqusernit minnerpaamik 5 km-inik takissuseqarpata. Angalanermut tapiissutit, qaammatikkaartumik tunniunneqartartut aningaasartuutiviusut 400 kr.-it sinnerlugit annertussuseqartut avataaniittunut matussusiiapput, taamaattoq annerpaamik 1500 kr.-it.

Kapitali 7

Ilinniarnermi taarsigassarsiat Nunatta karsianit aningaasalersorneqartut

§ 52. Taamaallaat taarsigassarsisitsisoqarsinnaavoq ingerlaqqilluni tapiiffigineqarsinnaasuni ilinniarnerni ilinniagaqartunut kapitali 2-mi 3-milu piumasaqaatinik naammassinnissimasunut 18-inillu ukioqalereersimasunut. Ilinniagaqarnermi taarsigassarsiat ilinniartitaanerup nalaani ataasiaannartumik ukiup affakkaartumillu semesterimut taarsigassarsiatut tunniunneqartarput, taamaattorli takukkit §§ 53 aamma 54 aamma § 34, imm. 1, oqaaseqatigiit aappaat. Ataasiaannartumik taarsigassarsiat annertussusissaat ukiumoortumillu taarsigassarsiat amerlanerpaaffissaat aningaasanut inatsimmi takuneqarsinnaapput.

Imm. 2. Semesterimut taarsigassarsiat upernaami semesterimut ukiamilu semesterimut taarsigassarsiarineqartarput. Upernaami semesteri piffimmut 1. januaarimit 31. juuli tikillugu aammalu ukiami semesteri 1. agustimit 31. decembari tikillugu naatsorsuutigineqartarput. Semesterimut taarsigassarsiat semesterip pineqartup naanerani tamakkiisumik atorneqarsimannngitsut semesterip tullianut nuunneqarsinnaapput. Ilinniagaqartup tamassuminnga qinnuteqareernikkut semesterimi taarsigassarsiat qaammatikkaartumik pisarsinnaavai.

Imm. 3. Ataasiaannartumik allanik taarsigassarsisitsisoqaqqissinnaavoq pissutsit immikkut illuinnartut pissutaatillugit ilinniakkap allamik taarserneratigut imaluunniit ilinniakkamik allamik aallartitsinermi, tamatumani ilaallutik nuunnermut aningaasartuutigisanut aammalu inissiamut nutaamat aallaqqaatitut akiliutinut.

Imm. 4. Ilinniagaqarnermi taarsigassarsisoqassaaq akiitsunut allagartaliussaq Ilinniagaqarnersiuteqarnermut Naalakkersuisoqarfimmit akuerineqartoq atorlugu. Ilinniagaqarneq aallartinneqareerpat akiitsunullu allagartaq atsiorneqarnikoq Ilinniagaqarnersiuteqarnermut Naalakkersuisoqarfimmit tiguneqareerpat ilinniagaqarnermi taarsigassarsiat siusinnerpaamik tunniunneqarsinnaapput.

§ 53. Ilinniakkat 1. marts imaluunniit 1. oktober sioqqullugit naammassineqartut semesterimi pineqartumi taarsigassarsinissamut pisinnaatitaaffigineqanngillat. Naalagaaffiup ilinniagaqarnersiuteqartitsineranit ilinniagaqarnersiuteqartunut semesterimi taarsigassarsisitsisoqarsinnaanngilaq, taamaattoq § 34, imm. 1 oqaaseqatigiit aappaat naapertorlugin.

§ 54. Ilinniagaqartunut Kalaallit Nunaanni ilinniaqqinnissamut piareersartunut imaluunniit inuitissarsiutinut tunngaviusumik ilinniagaqartunut ilinniarnermi taarsigassarsisitsisoqarsinnaanngilaq, taamaattorli takuuk imm. 3 aamma 4 aamma § 34, imm. 1, oqaaseqatigiit aappaat.

Imm. 2. Ilinniagaqartunut ilinniarnermi taarsigassarsisitsisoqarsinaanngilaq ilinniareernerup kingorna ilinniagaqarnermi akiitsugarilikkat ima amerlatigilersimassappata taarsersornissaat ajornartorsiutaalertussatut nalilerneqarlutik. Naliliinermi ilaatigut makku mianerineqassapput:

- 1) Ilinniareernermermi naatsorsuutigisatut aningaasarsiat inissisimaffiannut naleqqiullugu akiitsugarisat amerlassusaat.
- 2) Ilinniagaqartup ilinniarnermi taarsigassarsiaminik naafferartumik akilersornissaasa qanoq sivisutiginissaata naatsorsuutiginera.

3) Ilanniagaqarnermi taarsigassarsiat pillugit naafferartumik akilersuinermik aaqqissuussinermik ilinniagaqartoq siusinnerusukkut ingasattumik ilaginnaasimanersoq.

Imm. 3. Ilanniagaqarnersiuteqarnermut Naalakkersuisoqarfik imm. 1-imit immikkut akuerinnissinnaavoq piissutsit immikkut illuinnartut atuunnerini, tassunga ilanngullugu ilinniarnertuunngorniarluni ilinniarfinni piareersarfittut neqeroorutaasuni Ilanniagaqarnersiuteqarnermut Naalakkersuisoqarfimmit tapiissuteqarfiusinnaasutut akuerisaasuni ilinniagaqartut aallarniinermi aningaasartuutit uppernarsarneqartut matussusernerinut.

Imm. 4. 18-ileereersimallutik Kalaallit Nunaata avataani, tassunga Danmarki ilanngullugu, ilinniagaqarnissamut piareersaataasumik imaluunniit inuussutissarsiutinut tunngaviusumik ilinniagaqartunut ataatsikkut tigusassanik taarsigassarsisitsisoqarsinnaavoq.

Kapitali 8

Allaffissorneq

§ 55. Qinnuteqarnermi immersugassaq Ilanniagaqarnersiuteqarnermut Naalakkersuisoqarfimmit akuerineqartoq atorlugu Kalaallit Nunaanni ilinniagaqarnissamut ilinniagaqarnersiuteqarnissamik qinnuteqaateqartoqassaaq. Ilanniagaqarnersiuteqarnissamut qinnuteqaatinik suliarinninnermi suleriaasissaq Ilanniagaqarnersiuteqarnermut Naalakkersoqarfiup aalajangissavaa, taannalu "www.sunngu.gl"-imi avammut saqqummiunneqassaaq. Immikkut akuerineqarnissamik qinnuteqaatit Ilanniagaqarnersiuteqarnermut Naalakkersuisumut nassiunneqassapput.

Imm. 2. Ilanniagaqarnersiuteqalernissamik qinnuteqaatit qaqugukkut tunniunneqareersimanissaat pillugit piffissaliussassat Ilanniagaqarnersiuteqarnermut Naalakkersoqarfiup aalajangersarsinnaavai.

Imm. 3. Kommunini Piareersarfinni ilinniagaqarnernut atatillugu ilinniagaqarnersiuteqarnissamik qinnuteqaatit communalbestyrelsimit aqunneqarput angusassat pillugit isumaqtigiiissutit Namminersorlutik Oqartussat aamma communalbestyrelsip pineqartup akornanni isumaqtigiiissutigineqartartut tunngavigalugit.

Imm. 4. Ilanniagaqarnersiuteqarnermut Naalakkersusoqarfiup kommunini Piareersarfinni ilinniartut ilinniagaqarnersiuteqarsinnaasut amerlassusissaat ukiut tamaasa aalajangersartarpai. Ukiut tulliuttumut amerlassutsit aalajangiussat oktobarip qaammataa naatinnagu communalbestyrelsimit pineqartumut ukiut tamaasa nalunaarutigineqartassapput.

Imm. 5. Kommunalbestyrelsi imm. 3 malillugu qinnuteqaatit pillugit aalajangiisarpoq. Ilanniagaqarnersiutit communalbestyrelsimit akilerneqartassapput, taakkulu akiliussigallarnerup kingorna Ilanniagaqarnersiuteqarnermut Naalakkersuisoqarfimmit matussuserneqartassapput.

Imm. 6. Kommunalbestyrelsip ilinniagaqarnersiutit pillugit aalajangiinera, takuuk imm. 5, allaffissornikkut oqartussaasumut allamut suliassanngortinneqarsinnaanngilaq.

§ 56. Ilinniakkanut qiortartakkanut ilaasunut ilaannigsunullu ilinniagaqartut ukiuni tamani qaammammut ataatsimut arlalinnulluunniit ilinniagaqarnersiuteqannginnissaq toqqarsinnaavaat.

Ilanniagaqarnersiuteqarnissamik qinnuteqannginnej ilinniagaqarnersiuteqannginnissamik toqqaanermut sanilliunneqassaaq. Ilinniagaqartoq qaamatini qassini ilinniagaqarnersiuteqannginnissamik nalunaaruteqarani ilinniagaqannginnersiuteqannginnissaq toqqarpagu, tamassuminnga nutaamik qinnuteqarnissaq ilinniagaqarnersiutit akileqqittalernissaannut piumasaqataavoq.

Imm. 2. Ilinniagaqannginnersiuteqannginnissamik qinnuteqaat qaammammi akiliiffiusumi ulla 15-ianni ilinniarfimmi ilitsersuisup tigoreersimassavaa. Ilinniagaqarnersiutit akilerneqartarnerisa

aallarteqqinnejarnissaat pillugu qinnuteqaat qinnuteqaat qaammammi akiliiffiusumi ullut 15-ianni ilinniarfimmi ilitsersuisup tigoreersimassavaa.

Kapitali 9

Atuutilersitsinermut, ikaarsaariarnermut atorunnarsitsinermullu aalajangersakkat

§ 57. Nalunaarut ulloq 1. april 2015 atuutilerpoq. Tassunga peqatigitillugu Iluniagaqarnersiutit pillugit Namminersornerullutik Oqartussat nalunaarutaat nr. 21, 13. december 2012-imeersoq atorunnaarsinneqarpooq.

§ 58. Iluniagaqartut Namminersornerullutik Oqartussanit iluniagaqarnersiuteqarlutik 1. august 2005 sioqqullugu ingerlaqqiffiusumik iluniagaqarsimasut tassunga killissarititami ilinniakkap naammassisap kingulliup ilinniarfiginissaanik sivisussusiata assinganik qiortartakkanik ilanngaavagineqassapput, taamaattorli takuuk imm. 4. Iluniagaqarneq bachelorinngornissamut aamma kandidatinngornissamut immikkoortoqartoq iluniagaqarnertut ataatsitut matumani isigneqassaaq. Iluniagaqartoq Namminersornerullutik Oqartussanit iluniagaqarnersiuteqarluni 1. august 2005-imi ingerlaqqiffiusumik iluniagaqarnermik aallartitsisimappat, ilinniakkamut naammassisamut killissarititami qiortartakkanik ilanngaavagineqassanngilaq.

Imm. 2. Iluniagaqartut Namminersornerullutik Oqartussanit iluniagaqarnersiuteqarlutik 1. august 2005 sioqqullugu ingerlaqqiffiusumik iluniagaqarnermik unitsitsisimasut killissarititami qiortartakkanik ilanngaavagineqassannngillat. Qaffasinnerusumik iluniagaqartoq 1. august 2005-imi kingusinnerusukkulluunniit aallartitaanut naleqqiullugu ilinniakkami unitsissimasamini piginnaaffeqarfinnik pissarsisimappat ilinniakkap aallartinnerani piffissami tapiissuteqarfiusumi killissarititamilu qiortartakkanik ilinniakkami pineqartumi piginnaaffeqarfinnik pissarsiffiusunut qaammatinut aalajangersimasunut ilanngaasoqassaaq.

Imm. 3. Iluniagaqartut Namminersornerullutik Oqartussanit iluniagaqarnersiuteqarlutik 1. august 2005-imi ingerlaqqiffiusumik iluniagaqartuuusut killissarititami ilinniakkap maannakkut inissismaffiani ilinniarfiginissaanik sivisussusiata assinganik qiortartakkanik ilanngaavagineqassapput, taamaattorli takuuk imm. 4. Iluniagaqarneq bachelorinngornissamut aamma kandidatinngornissamut immikkoortoqartoq iluniagaqarnertut ataatsitut matumani isigneqassaaq. Tamanna ilutigalugu ilinniakkami ingerlanneqartumi piffissaq ikorsiissuteqarfiusoq sivitsorneqassaaq, aningasanik ikorsiissuteqarfiusup iluniagaqarnerullu sivisussutsimikkut inissismaffisa akornanni qaammatit amerlassusiisa assigiinngissutaannik qiortartagassat amerlassusilerlugin. Piffissamut sivisussusissatut inissismaffimmut iluniagaqarnerup maannakkut inissismaffia siuarsimaneruppat iluniagaqartup ilinniarnermi nalaani aningasanik ikorsiissutisiaqarsimanera qaammatit amerlassusiannut assingutillugit killissarititami qiortartagassat tunniunneqassapput, taamaattorli takuuk imm. 4, taamaalineranilu piffissaq iluniagaqarnersiuteqarfiusoq allannguuteqassanngilaq.

Imm. 4. Iluniagaqartut ilinniarnermik nalaani piffissami iluniagaqarnersiuteqarnerminni 1. august 2005 sioqqullugu meerartaarsimasut tamatuma nassatarisaanik killissarititami qiugassanik aqqaneq-marlunnik aammalu piffissami tapiissuteqarfiusumi meeqqanut tamanut tunineqassapput. Tamanna taamaallaat atuutissaaq iluniagaqartup 1. august 2005 ilanngullugu meeraq inooqatigisimappagu, aammalu tamatumunngaa iluniagaqarnersiutit pillugit Namminersornerullutik Oqartussat nalunaarutaanni nr. 3, 6. februar 1998-imeersumi § 19, imm. 1 malillugu aalajangersakkat naapertorlugit iluniagaqarnermik malinnaasimaguni. Tamatuma kingornatigut iluniagaqartup ilinniarnini unitsippagu killissarititami ilassuteqarfimmi atugaanngitsut assinginik qiugassat ilanngaatigineqassapput.

§ 59. Ilanniagaqartunut tapiiffingineqarsinnaasunut 1. januar 2013 sioqqullugu tapiiffingineqarsinnaasumik ingerlaqqiffiusumik ilinniakkamik Danmarkimi aallartitsisimasunut, aammalu 1. januar 2013-ip kingorna suli ilinniakkaminnik ingerlatsisunut aningaasanik ilinniarnermi tunniuneqartunik tunniussisoqarsinnaavoq, takuuk § 13, daskit ilinniagaqarnersiuteqarnermut malittarisassaat naapertorlugit qiorqartakkat nungussimagunikit. Piumasaqaatit § 14-imiittut naammassisineqarsimappata ilutigisaanik meeqqanut tapisianik pisartagaqartitsisoqarsinnaavoq.

Imm. 2. Imm. 1 malillugu aningaasat tunniunneqartartut meeqqanullu tapit annerpaamik qaammatinut aqqaneq marlunnut tunniunneqarsinnaapput.

Imm. 3. Ilanniagaqartunut ilinniagaqarnersiuteqarsinnaasunut, 1. januar 2013 sioqqullugu ingerlaqqiffiusumik ilinniakkamik tapiiffingineqarsinnaasumik Danmarkimi aallartitsisimasunut, aammalu 2013-imi januarip aallaqqataata kingorna unitsinnagu ilinniakkaminnik suli ingerlatsisunut, ilinniakkanut siunnersortiminnut qinnuteqarnermikkut ilassutitut qiorsinernik aqqaneq marlunnik pissarsisinhaapput, § 25, imm. 1, nr. 1 aamma 2 naapertorlugit pissutaasut tunngavigalugit, imaluunniit ilinniagaqartup ilaquaani qaninnerni nappaammik ilungersunartumik aqqlusaagaqartoqarsimappat toqukkulluunniit qimagogtoqarsimappat.

§ 60. Meeqqanut tapisiaqartitsisoqarsinnaavoq, takuuk § 14, ilanniagaqartunut tapiiffingineqarsinnaasunut Danmarkimi najugaqartunut, 1. januar 2013-imi Naalagaaffiup ilinniagaqarnersiuteqarfianit, Statens Uddannelsesstøtte, ilinniarnermi aningaasanik pisartagaqarlertunut, ilinniagaqartoq pilersuisutut tapisianik daskit ilinniagaqarnersiuteqarnermut malittarisassaat naapertorlugit tapisiaqarsinnaatitaanngippat.

Imm. 2. Ilanniagaqarnersiuteqarnermut Naalakkersuisoqarfik qinnuteqartoqarnera tunngavigalugu meeqqanut tapisiaqartitsisinhaavoq ilinniagaqarnersiuteqarnissamut pisinnaatitaasumut Danmark-imi ilinniagaqartumut, taanna 1. januar 2013-imi Naalagaaffiup ilinniagaqarnersiuteqarfianut, Statens Uddannelsesstøttemut nuuppat, ilinniagaqartorlu pilersuisutut tapisianik annikinnersunik pissarsiassaqaqtinneqarpat, takuuk § 14. Meeqqanut tapisiat annertussuseqassapput pilersuisutut tapisiassat ilinniagaqartullu meeqqanut tapisiassaraluisa assigiinngissutaannik.

§ 61. Ilanniagaqartut tapiiffingineqarsinnaasut, 1 januar 2013 sioqqullugu ilinniakkamik tapiiffingineqarsinnaasumik Danmarkimi aallartitsisimasut, aammalu 1. januar 2013-ip kingorna unitsinnagu ilinniakkaminnik ingerlatsisut, ilinniagaqarnersiuteqarnermut Naalakkersuisoqarfimmum qinnuteqarnermikkut ilassutitut ilinniagaqarnersiutinik Namminersorlutik Oqartussaniit tapiiffingineqarsinnaapput, ilinniagaqartup aningaasat ilinniarnermi tunniunneqartartunut daskit ilinniagaqarnersiuteqartitsinermut malittarisassaannut nuunnermi kingorna ajornerusumik pineqannginnissaa siunertaralugu.

Imm. 2. Ilanniagaqarnersiutit ilassutaasut, imm. 1 naapertorlugu, taamaallaat annertussuse-qarsinnaapput ilinniagaqarnersiutit daskit ilinniagaqarnersiuteqarnermut malittarisassaat naapertorlugit pisinnaatitaaffigisaasa aammalu ilinniagaqarnersiutit suli Namminersorlutik Oqartussat stipendumitut tunniussinnaasaasa assigiinngissusiattut.

§ 62. Aalajangersakkat maannamut atuuttut malillugit qularnaveeqqusiissuteqarnermi pisussaaffit atuuffissamik naanissaata tungaanut atuutiinnassapput piumasarisaasut allanngortinnagit.

Imm. 2. Qularnaveeqqusiissuteqarnermi pisussaaffit 1. januar 1997 sioqqullugu akilerneqartut aalajangersakkat maannamut atuuttut malillugit ernialersorneqassapput.

Imm. 3. Qularnaveeqqusiissuteqarnermi pisussaaffit 1. januar 1997 kingoqqullugu akilerneqartut

akiliinerup kingorna ullormit aallartittumit ernialersorneqalissapput. Sukkulluunniit akiitsuusut ukiumoortumik ernialersorneqassapput pisortat sukkulluunniit diskontoata 5%-imik ilasap angeqataanik ernialersorlugit. Ernialiineq ukiut tamaasa 31. december piffissamiluunniit ilinniagaqartup akiitsunik akiliinerani pisassaaq.

Namminersorlutik Oqartussat, ulloq 27. marts 2015

Nivi Olsen

/

Mikael Kristensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut